



Nuuk ulloq 08. februaari - 2019

Inatsisartut Suleriaasianni § 37 imm. 1 naapertorlugu Naalackersuisunut apeqqudit imaattut matumuuna saqqummiuppakka:

**Naalackersuisunut apeqqudit:**

- 1. Naalackersuisut isumaqarpat Nuummi mittarfik pitsaanerpaamik inissisimangitsoq soorlu 2018-mi Ukiakkut ataatsimiinnermi imm. 21-mi saqqummiunneqartumi oqaatigineqartut?**
- 2. Naalackersuisut isumaat naapertorlugu Nuummi mittarfik sumut allamut inissinneqarsinnaava? Naalackersuisut namminneq nalunaarusiaat naapertorlugu Nuup Mittarfia mittarfinnut allanut naleqqiullugu naammassinerminiit kiserluinnarmi sinneqartooruteqarluni ingerlasinnaavoq. Taamaattumik pingaaruteqarluinnarpoq mittarfiliortiternerup iluatsinnissaa. Missoqqissaarneqarnikuunerluni maannakkut inissiivissap saniatigut allamut sumut inissiisoqarsinnaanersoq? - Taamaassimappat taava Naalackersuisut inissiivissat suut innersuussutigisinnaavaat?**
- 3. Naalackersuisut paasisimanerlugu NATO, USA iligisalluunniit arlaat alla "Kujataani" taagorneqartumi 3.000 meterimik takissusilimmik mittarfiliornissamut akileeqataasinnaassanersut? Illersornissakkut pingaarutilimmik mittarfeqarsinnaanissaq pillugu?**
- 4. Paasineqarpoq Kalaallit Nunaata silaannartaata nakkutigineqarnera Naalagaaffeqatigiit iluanni aamma nunanut allanut tunngasunut annertusariaqassasoq. Immaqa Illersornissakkut Iligiit eqqarsaatersuuteqarsimassapput suli misissorneqanngitsumik mittarfiliornissamut? Naalackersuisut namminneq oqaloqateqarsimanerlutik - imaluunniit Naalackersuisut iisimasaqarfiginerlugu imaluunniit oqaloqatigisimanerlugit soorlu USA, NATO imaluunniit allat Kalaallit Nunaanni mittarfiliornissaq illersornissakkut soqtiginaateqartutut isigalugu soqtiginnittunik? Taamaassimappat tamat tamanna paasisaqarfigisinnaanerlugu?**
- 5. Naalackersuisut eqqarsaatigisimanerlugu Nuummi Mittarfik eqqarsaatigalugu allamik aqqiissuteqarnissartik, tusagassiutini saqqummiunneqartut misissuinerit ajornartorsiutitalit inerniliinerillu pissutigalugit aamma soorlu takuneqarsinnaasutut KAIR-p nittartagaani takuneqarsinnaammat mittarfik naatsuararsuussasoq ingerlallunilu immikkut akuersissutigineqarsimasut arfinillit tunngavigalugit taamaasillunilu qanganitsipallassalluni Naalackersuisut kissaataattut allisinneqassappat imminut akilersinnaanissaa pillugu?**
- 6. Taamaangippat taava Naalackersuisut Danmarkilu NATO-mik isumaqatigiissut ingerlatiinnarniarpaat aamma NATO-p USA-llu timmisartuutaat malersuutit il.il. atorlugit Kalaallit Nunaata silaannartaani nakkutilliineq kiisalu qaartartorsuarnik ingeriuttakkanik nakkutilliinissaq pillugit Danmarkip NATO-llu akornanni isumaqatigiissut ingerlatiinnarniarpaat ?  
- Mittarfiit sorliit atorlugit qulaani taaneqartut taava isumagineqassamaarpat?  
- Mittarfiit, silaannartaq kiisalu mittarfinnik attuisumik sillimanissaq pillugu nunat allat illugiissumik isumaqatigiissuteqarfigineqarnikuuppat imaluunniit Naalagaaffeqatigiit iluanni, inuit tamat takusinnaanngisaannik? Taamaattoqarsimappat sooq?**
- 7. Naalackersuisut Kalaallit Nunaat Danmarkilu Nunanut allanut politikki eqqarsaatigalugu sutigut pisussaaffeqarpat, mittarfiit inissisimanerannut sunnuteqartumik mittarfiliortiternissanut isumaqatigiissut aalajangerneqaqqammersoq eqqarsaatigalugu aamma Kalaallit Nunaanni mittarfiit allat inerlaannarnissaannut aamma sunnuteqartussamik - matumani eqqarsaatigigaagut Kangerlussuarmi**



SULEQATIGIISITSISUT  
SAMARBEJDSPARTIET

**Narsarsuarmilu mittarfiit.**

**8. Naalackersuisut periarfissanik allanik sunik tikkuussinikuuppat Landskarsip tamakkiisumik mittarfiliortiternernik akiliinissaanut tunngatillugu? Tassa periarfissat allat suut eqqarsaatigineqarnikuppat mittarfiit akilersornissaannut tunngatillugu? - Suna pissutaava ajutoortoqassagaluarpat tamat nammineq ersukkusunnerannut? Aamma sooq mittarfiit taakkorpiaat pingasut pineqarpat?**

(Inatsisartunut ilaasorta, Tillie Martinussen, Suleqatigiissitsisut)

**Tunngavilersuut:**

Soorunami Suleqatigiissitsisut arlaleriaqaluni siunissami Nuummi mittarfiup inissinneqarfissaa ernumagalugu oqaatigisarnikuuaa tamannalu Naalackersuisut ilisimalluarpaat Inatsisartut ataatsimiittarfianni oqaluttarfikkut annguttuarnikuugakkit isummakka.

Aamma oqaaserpaalussuit atorlugit aningaasalersornissaa uparuartortarnikuuarput

Mittarfiliortiternissamut pilersaarutip suliarineqarnerata nalaani.

Isumaqartuarpugut Inatsisartut aalajangiinikuusut mittarfiliortiternissat ataatsimut isigalugit ilisimasanik naammattunik tunngaveqaratik aamma apeqqusernikuuarput ilumut Naalackersuisut Landskarsillu namminneq aningaasaliissutit tamaasa ersuttariaqarneraat - kiisalu ajutoortoqassagaluarpat aamma aningaasartuutaajumaartussat tamaasa.

Aamma mittarfiliassat pingasut akilersinnaassusaat apersuutiginiikuuarput aamma sooq taakkorpiaat pineqartut toqqarneqarsimanersut, isumaqaratta sumiiffinni pingasuni aningaasaliissutissat iluanaarutaarujussuartaariaqartut siuariartortitsingaatsiarlutillu - piffissami sanaartorfiusussami taamaallaat pinnatik, kisiannili siunissami naassaangitsumi - taama aningaasaliissutit amerlatigisut illersorneqarsinnaassappata, aningaasaliissutigineqartummi atorluarneqarsinnaasimagaluarmata atuarfiliortiternernut, meeqqanik inuusuttunillu sullissinermut, angerlarsimaffeqanngitsunut, utoqqarnut, peqqinnissaqarfimmut ilaalu ilanngullugit - imaluunniit aningaasaliinissaq, inissinissa il.il. pitsaanagerusumik aaqqiissuteqarnissaq nassaarineqarsinnaannginnersoq, nunat allat suleqatigalugit imaluunniit allat oqartussaaffiit siunnersuisartut suleqatigalugit.

Kiisalu sooq mittarfiit taakkorpiaat pingasut aalajangiunneqarnerisut.

Kissaatigiuaannarnikuuarput sapinngisamik amerlanerpaat akuutinneqassasut, ilisimasanik tunngaveqarluni oqallittoqassasoq immikkuualuttut aamma mittarfilitortiternerq tamaat pillugu kiisalu innuttaasut tusarniaavigineqassasut.

Peqataanilli arlaleriarluta paasivarput mittarfiliortiternissaq pillugu saqqummiussaq taamatullu ataatsimiititaliani il.il. apeqqutitta akineqartarneri iluarinagit.

Ataatsimiititalianili ataatsimiinnerit matoqqasuummata - immikkuualuttut pillugit oqaluttuarisinnaasimangilagut suut ajorinerlugit aamma oqallittoqarnissaa naammattumik pilersinnaasimangilarput - Ataatsimiittarfimmi tamalluunniit peqataaffigisaannik.


Kissaatigaarput aningaasaliissutaasimasorpasuit torernerusumik oqallisigineqarnissaat aamma innuttaasunik Inatsisartunillu sapinngisamik amerlanerpaanik peqataatitsisoqarnissaa.

Taamaattumik aammaarluta apeqqutitta akineqarnissaat qinnutigaarput kajumissaarutigalugulu Naalackersuisunut innuttaasut pisariaqartitsinerat naapertorlugu akuutitsisoqassasoq.

Nunarsuarmioqataasutut pisussaafriit qularnangilaq pissutaqataasimassasut attaveqarnermut aningaasaleeqataasoqarneranut, soorunami illuatungeriit piumasaqaatit pitsaasut

isumaqatigissutigisinnaasimassappatigit aamma tunngavilersuineri killissaqanngitsumik

isumalluusaarutigineqarpoq akilersinnaasumik ingerlatsisoqarumaartoq aamma kikkut tamarmik akuusut



**SULEQATIGIISITSISUT  
SAMARBEJDSPARTIET**

pineqartut iluaqutissarsivigiumaaraat.

Nipaarsaarunneqarluinnarnikuuvoq mittarfiliortiternerit ilaanut imaluunniit mittarfiliortiternerit aamma imaluunniit mittarfiliortiternerit ataasiakkaat eqqarsaatigalugit akilersinnaanerunissaat qularnaarumallugu takornartat aningaasaleeqataatinnissaat pisinnaannginnersoq. Naluarput misissorneqarsimanersoq. Mianersungaallionertut isigaarput sanaartugassarujussuit aningaasalersornerisa siunissami aningaasatigut pitsaasumik qularnaarinniffigineqarsimannginneri - aamma mittarfiit pioreersut akikinnerusumik pitsanngorsarneqarsinnaaneri eqqarsaatinut ilaasimanngimmat - sanaartugassat sapinngisamik akilersinnaanissaa qularnaarseeqqaariarlugu aamma tassunga ilaatillugit ilaasussat amerlassusaat il.il.

Aamma ulloq manna tikillugu suli naluarput misissuinerit amerlanerusut akilerneqarsimanersut taamaallaat mittarfiit sanaartorneqartussatut aalajangiunneqartut kisiisa pinnagit, pissutsit politikkimik tunngavillit pissutigalugit.

Taamaattumik imaannaanngilaq isumaliortaatsit aporfiginagit aaqqiissuteqarnissamik ujaasinissaq aamma mittarfiit immikkoortukkuutaarlugit sananeqarnissaannut kissaateqarneq angusinnaasimanngilarput naak sanaartornermi misilittakkat sanaartukkat tulliini atorineqartarnissaat pissusisamisooruortoq imaluunniit aaqqiissutissat akilersinnaanerisut allatut iliornikkut nassaarineqarsinnaasimagaluarneri.

Apeqqutit akeqquneqarput ullut sulliviit qulit iluanni.

Tillie Martinussen  
Samarbejdspartiet - Suleqatigiissitsisut